

Кэста на мэра ñəntə
ka lama тэ



Lama

Кꞌꞌꞌꞌ, na mərə ñəntə ka lama tɛ

Les coutmes et contes en lama

Textes issus de l'atelier des écrivains

Illustrations adaptées du CD “The Art of Reading”
(2001 SIL Internationale)

Association Culturelle pour la
Promotion de la Langue Lama
(A.C.P.L.L.) BP 33 Kantè

1er édition, 1er triage, 500 expl.

4^e trimestre 2012

© 2012, ACPLL et SIL Togo

Laku kɔɔtər ka lama tɛ



Lama tɛ hən na, a pə lakə laku ka fala fala. Sə fɛ n'a wɔsə laku ka lama tɛ na, ku wɛ ci. U talv kɔɔta hondɔ t'ɔ wontə na, lakuci nɲi rə ayuku n'i sir n'a sɛm kpamli, n'a hoosə rinan tən ka yɛra k'ayuku ŋku a kaa s'a lav laku ŋku na. Sə fɛn'v hom laku ayuku na, lakuci ci sɛlɛm s'i kawul atətina, s'v lav sartə n'a ku nɲtə taa lelv ka sartə, nɛmən n'asesə, na lesə, na tapəsin, na taan. l kawul dɛrɛ sɛ a ra yee n'a mav-rəma, n'a ra yɔ yər-ɔ rahondɔ ka laku taa.

Nnə v hom laku ayuku rɛɛ na, ɪ li lɛn n'i su ɪ rahoma na ɪ yilɔ n'i rɛ laku. l talv wontə na ɪ hul yilɔ ka ren ni lakucina kɪr na wa haasə, wa wal na ɪ rɛɛ, ni wa tən wa paasə laku wɪlv kɛɛ. Wa makə tuka ka wontə na, asesə li kɛɛ, wa sasv haasə kɛɛ soi, soi, soi. Mpar ko sɛ asoon kɛɛ asoon kɛɛ. Nɛɛr yɔ asoon ŋka rə kpav, n'i ko sɛ mahɔɔ, ɪ car ɪ tɛ n'i mu-ka haasə na n'i si-ka huru taa. Kidiŋkidiŋ lelv ŋku a ku-ku na,

a cəlv-ku-l-ə lakuci. Đaan dɛɛ lakuci fəl ɪ yɪɔ,
lakucina səm kələ sɛ laku kpəra, wa yasə kuɔəm
kuɔəm wa kpoon. Wompa ku nɛməm, na taan
na, wa walun nantə ka lakuci tɛ.

A lakə laku kɔɔtər ka wonɔn'ɔ lama tɛ n'ɔlɛ.

Wutəkpiso:


Yaa mə raa rɛɛ, mə ka ta si wuroo rɛɔ taa.

Kpasəkpasə:

Mə tɛ ñəmər ka kuɔəmər ka tu rɛɛ, mə wal mə
kpasə ñəma ka hiu.

TAGBATE Joseph

Asoon, na caafətən



Ayuku nɛɲkur-ɔna caafətən ku naa, ni ñi
tan cisir sɛ ñi yatər naa ñi. Đən'ɔna asoon
kampa ka rɛ. Ason wɔsə ñi sɛ: « Ar lapa ni mi
wɛ li mɔsəm taa sən? » Wa wɔsən-ka sɛ: « Đa
ku naa kəna, ni rə tan cisir sɛ rə yatər-ka. »
Kan'asoon wɔsən-ñi sɛ: « ɪ ci sɛ mə kan cisir
na? »

Ɖən'ɔna caafətən ñi nantə taa kpər lələn ka tən, ni ñi wɔsən asoon sɛ: « Aav! » Asoon wal, ni ka kan cisi ka nnaasa s'a yatər na naa ñi. Caafətən taa wɛ lələn sɛ ñi hiu nantə ka sartə. Asoon kpər len ka tən! Ka paasə nantə yatəru ka wontə na, ka sɔ nandɔ kudəmɔ ka cəl cisir kudəmər, ka sɔ nandɔ nɛŋkur ka cəl nɛndər, ka sɔ taman nautiti nandɔ ka cəl taman nautiti cisir, ka tɛsə taman nnausa nandɔ cəlɔ ka taman nnausa cisir. U wɪ caafətən t'ɔ tən, ñi lav mɔsəm sɛ ñi tiru ñi taa cuŋku s'i wal n'i haa min n'i kana. Ka-l wal min haav ka wontə na, min dɛm. Kaka taman nautisi rɛɛ.

Ɖən'ɔna asoon tam sɛ ka walɔ min haav ka ka tətər. Ka rɛ wontə na, caafətən taa səsɛɛ kpa li mɔsəm, sɛ ñi kpa-rəm'ɔ navl navl, ñi tekə ñi hundə sɛ ñi sɛpa. Asoon wal, n'i wɔsə n'i kan wontə na, ɪ nɔɔn caafətən k'atɛ-ɔ rəsersɛr, ni nafatə kpa-ka. Caafətən taa səsɛɛ tam sɛ: « Ñ'ɔna mə hoŋku sɛ rə səv. A tam sɛ rə səkə navl navl kəna. » Asoon wɔsən-ɪ sɛ ar lapa? Ka ni caafətən taa səsɛɛ tam sɛ: « Naa ñi ra ku-ɪ na, ra ml-ɪ kəna. »


Ɖən'ɔna asoon wɛdɛ nantə ntə ka se. Ka se wontə na, ka ko ka siru sɛ: « Nnɔɔn ma ka ta tan mi taa. » Ka se ka rɛ wontə na, caafətən taa səsɛɛ sir ku raana sɛ wa kur atɛ. Wa kur wa woŋkə n'v tal-wa. Caafətən wɔsə ñi tar ñi nantə ka sartə.

Səmp'ɔna pəpaam ta sar. Asoon ta hiu len
ka rən'ɔna sɛ ka wɛ tɛtə rɛɛ.

Kpasəkpasə: Naa kitisuun lina wara. Wɔ kəna?
Wutəkpiso: Saalu kuɖəmu pə haasu tɔn.

DIOTEMBA Théodore

Asoon, na alikitiñaru



Səmp'ɔna asoon neŋkar ka wɛ. Ayuku
neŋkur ka wɪ ka ñun taa, ka wal ka na kpɛna
wuroo ka sir-ɪ sɛ: ʊ sɪn kɔhən !a ra tasu n'a na
kpeɖə nendɛr-ɔ rə wɔŋku rə runti. Wuroo takə
nir ka təkara taa səmpə. A yaa kpɛna ka ya tən
n'a sir-ya ya tən səmpə. Asoon kur ka rɛ ka
kpɛm ka tɛ. Ka tal wontə na, ka su ka hakur, nɪ
ka wal ka loon wɛɛr cəkɔldə nendəl dɛɛ-ɔ
ñəmpu nɔ. Nɛɛm nɛɛr rɛ n'i wɔsə asoon ŋka sɛ:
« N lakə wɔ rənaa? » Asoon ŋka wusən-ɪ sɛ: « Mə
haru kəna. » Nɛɛm ñi wɔŋkə, n'i fetə, n'i səu.

Asoon su-ɪ ka wal ka tu. Ka wɔsɛ ka lakɛ kpɛna sɛmpɛ ka tuku. Wise ka lakɛ sɛmpɛ ni cakɔsi na-ka.

Kpɛna pɛ tasu tɛŋku na rɛnaa, cakɔsi walɔ-na ka cal. ɪ tal wontɛ na, ɪ sɛɛ-ka n'ɪ rɛ. Asoon wɔsɛ-ɪ sɛ: « Mɛ raa, n walɔ lo? » Cakɔsi wɔsɛn-ka sɛ: « Mɛ walɔ na mɛ raa tɛ s'ɪ le mɛ ñɪsɛ. » Asoon tam sɛ: « ra tɛkɛ-m; » cakɔsi tam sɛ : « mɛ raa, mɛ pɛ tɛku-n. » ɪ tam sɛmp'ɔ wontɛ na, asoon wɔŋkɛ ka lo, dɛn'ɔna ka feta ka sɛv.

Sɛmp'ɔna nnɛ n wɛ lɛn, n dɛ hu sɛ n kɛlɛn yɛr tɛn. Asoon ka hu sɛ ka kɛl lɛn ka tɛn, ama, ka ta sɛm sɛ cakɔsi kɛlɛn-ka lɛn.

Kpasɛkpasɛ:

Mɛ walɔ ayuku, ni mɛ ri cɛl-m piyer kuɔɛmɛr sɛ mɛ wal mɛ yau-ɪ yasɛ, na mɪlɪm, n'alpasɛr. Mɛ wal mɛ yau-wa wa tɛn ñɪ na piyer kuɔɛmɛr ndɛ. Mɛ lau sɛnɔ?

Wutɛkpɪso:

Nnɛ hɛɛr ta ñɔ, dɛ ra pɪ.

NAHANDJADE Tertius

Wuroo, na ka yalaawisi ka nasisi



Aluwatə ntər-ɔna wuroo yalaawisi tala se sə kɔ waala, sə pə na se sə lakə sənɔ? Wontə rɛɛ na, yər ka ta səm sə yəla, sə ci rəcal səm-na sə yəla. Ayuku neŋkur wuroo fəl kantər, ka hoosə se yəra ka wa tən wa kan ka tɛ, nɪ woŋɪ yaa yalaawisi nsə yəla ka ya nasisi na, ɪ cəl-ɪ yalayo kuɖəmɔ.

Ɖən'ɔle asoon nu, ka kur ka tɛ ka wal wo taa se ka na yalaawisi nsə kaa se sə ra yaa rəma ka wo taa ya. Asoon ci haaru nɪ ka lau-ku afatə ka rəmalma, ka wɛɖə lem taa.

Ɖaan ɖaan, yalaawisi nsə walu wo, səseɛ tɛl-na ñəsa. Sə wɛ sə walu wontə na, Asoon na-sə, ka kpa tu rɛɛ ka cɔ ka hɔŋku. Kidɪnkidɪn

yalayo tal ka na haaru ka lem dɛɛ ka ku metəlu,
ka yaa taman navi ñon se Naka se n'n kan n'n
na. Le tal wontə na, le yaa taman nautisi ñon se
Pantasi kan n'n na afatə ntə, Panse wul-na-m-tə.

Ɖən'ɔle Asoon sɛm sɛ yɛla ka ya nautisi. Ka
yi-ya na yentə ka kpoon na ka tɛ. Cer ntauŋ tɛɛ
ka li ka rɛ na wuroo tu tɛ. Ka tal ka nɔn yɛra
tem katu rɛyase n'a cɔ n'a mɔsu. Paa woŋu na,
le caru le pɛ pɛsu. Asoon se ka mɔsu, wuroo sir
yɛra ka wa tən se wa yeu n'Asoon mɔsɛ. Ɖən'ɔle
ka kura ka sɛndɔ yɛr tən ñɛsa taa, ka yaa yɛla
ny'ɔ sartə se Naka, Pantasi, na Panse. Wuroo
tam na kpal Asoon ka nin taa, n'i su ɪ yalayo
Naka n'i cɛl Asoon ka waa ka walɔ.

Mɛra mɛra wuu. Ntə rɛɛ-ɔna Asoon kɛl-na
lɛn ka tən.

Wutəkpasɔ:

A wasun tu kan'a tɛ nɛɛm.

Kpasəkpasɛ:


Mɛ yɛra kɛna nautisi ka wa kpoon wa tɛ, wa tal
wo taa, wa nɔn lem, wa tasɛ n'v kper wontə na,
a nɔn lem ta tekən navi naasɛ. U siru sɛmɔ?

ARATIME Lucien

Laku təmər

A teɖu məla n'a məsu tutə n'v kperu wontə na, a paasu laku waɖə kələ. Wompa wəsu lakən na, wa hoosu-ñi witar. Woñi paasu hoosu na, i walu amakat'ɔ ayuku t'ɔna n'i hoosu. Ayuku ŋku rɛɛ hən na, akalɪ wɛ. Apaala mpa tən wɛ amakata ayuku ŋku taa na, wa nuw-tə. Wa nuw-tə wontə n'i kper na, wa wan-tə wa cɛɛsə apaala mpa ta kan na.

Ayuku ŋku kaa sɛ ku tal wontə na, nnɔɔn apaala kpatər səm laku ŋku ayuku. Paa woñi na,



i rɔnu i rahoma, s'n nɔɔn laku ayuku tala. Laku ayuku rɛɛ, paa apaal ñi na, i kuru i tɛ na i rahoma na i haasə, na i naasə hətə. A talu laku rɛɛɔndə ka wontə na, a cɔ aluwatə ntər-ɔ cəkɔ

n'v pisə n'v sən pa woñi na, n'i hɔv i naasə hɔtə.
A kpərv naasə hɔtə hɔpə ka wontə na, nnɔɔn
laku misə tala kələ n'a paasə wɩv.

Laku ci kuru, ni yər tən kɩr rərə. Laku ci
cɛɛsə yəra ka wonɔn'ɔ i ci s'a wan i laku na.
U wɔsv s'a wal mətənin rɛɛ, i tam n'a kpalsə na
mətənin dɛɛ, n'a wɩv n'v rɛ n'v tal awɔr ndə taa
i rɩwa s'a sɩn dɛ taa na, dɛ taa.

A wɩv wontə na, nnə a kusə asoon, a nu
sɛ: soi, soi, soi asoon kələ, asoon kələ, n'a yaa
haasə yəla ka utɛ n'utɛ. U rɛwa n'v tal yər nɛɛr,
lɛ pɛdɛ-ka, lɛ ko sɛ m'ahɔɔɔ, mə pə ra, lɛ sv lɛ sv
lɛ huru taa. A wɩv s'a tal arkondɛndɛ na, nnə
nnɔɔn lem wɛ a ñɛ wontə na, a kondɛ na nawɩ
rɛɛ. A wɩv sɛmp'ɔ wontə s'a rɛ n'a tal laku
rɛɔndɛ na, nnakən a kv lɛlv: Mpar-ɔ nɛɛmən,
mpar-ɔ ñara, mpar-ɔ asesə, mpar-ɔ lesə, na tətən
tətən. Ayuku ŋkv laku paasv na, ayuku ŋk'ɔna
laku wɔsəra hoosv wa lakən, n'a misə laku wɩv
taa n'v rɛ n'v tal dɛmpɔ. Dɛmpɔ talv wontə n'a
paasə harv na, laku sɛndv kələ.

Wutəkpiso:

A pə yaa hoon ka yɛdɛ ka laku ayuku rɛɛ.

Kpasəkpasə:

Də wɛ afala ka cakɔsin nnɩsa n'a kpɛv-ra kpɛrv
kvdəmv. Wɔ kələ?

AGNON Kotri

Kɔɔtɔr

Sə fɛni yɛra lau kɔɔta na, ɔ wɔsu-wa mɛmɛra nyar. Nnɛ akandɛyal kɛna ɪ sɛpa, a lakɛ ɪ ruku.

ɪ yikisi, na ɪ nandɔ rɛɛ yɛra cakɛ wa na ayuku, ni wa sɛm kpamli, ni wa sa sɛlɛm, ni wa wal wa na wa pɪsu sɛ wa lau wa naasi ruku kɔɔtɔr na. Nnɛ wa lau wa nanɔkpɛlna k'awarkɛ, ɔ lakɛ kaadɛ sɛ wa wana wa rɛɛ. Nnɛ wa ta lau -wa wur, wa cakɛ wa nandɔ rɛɛ, na wa wila, na wa wisi, ni wa kpa mɔsɛm ni wa na wa lakɛ sɛnɔ sɛ wa wal na wa nanɔkpɛlna rɛɛ sɛ wa cɛl-wa ayuku.

ɪ sun kpalmi, s'u sa sɛlɛm n'u su-pɛ na campar, n'u wal mi nanɔkpɛlna mpa tɛ mi naasi liwa na. ɪ talu wontɛ na, lɛ mu-mi, lɛ wal lɛ yaa lɛ rɛɔfala. Wa-l kɔɔn wontɛ na, kɔɔfala mi, u kur



ate n’u see-wa, n’u kpa wontə kan-mi na, n’u
ceesə-wa. li wutu s’u kpər wontə na, wa see-mi.
Wa see-mi wontə na, wa coku na wa səsɛɛ sɛ wa
na le wutu wont’ɔ.

Nnə wa səsɛɛ ñi wuta n’u kpəra, ni nempa
mpa tan ntər rərə, wa ku campar feni wa ñe
sələm mpə kɔɔfala kan-pə na. Nnə wa kpər
sələm ñev, dən’ɔle wa ci ayuku kələ sɛ wa cəl
kɔɔfala wa kpem. Wa-l talu wa-l tɛ-ɔ wontə na,
wa-l yaa wa-l yəra wa-l ceesə-wa-l-ɔ wontə li
nankpelna tɛ na, fen’a ci mələ kələ n’a səm, s’a
wan ruku.

U wɔsu kɔɔfala sɛ wa ci sintu waara ka
tempə feni wa wal. Wa walu sə fɛ n’ayuku tal.
Ayuku talu wontə na, wa ci tutə, na kpena, na
wontɔ, wa kpɪrsi wa rə ruku taa, wa wana na
wa t’ɔ ñaŋkəñaŋkin na waar. Wa talu wont’ɔ wa
wɛ wa waa na, wa kootə rɛ-ɔ ka taman nnausa
feni wa paasə waar ka ñəmpu taa.

Nnə ñəmpu taa waar kpəra, naŋkpelna
mu-wa wa ha-wa lem. Na lem war’ɔle wa tɛsu
waar sɛ wa kpem. U hom wontə na, wa-l yaa
wa-l yəra, wa tar lelu na wontə tən a kan-tə
ruku ŋku taa nao.

Kpasəkpasə: Tihu səkə ku yekə hoor.

Wutəkpiiso: Nin kudəmi pə ku milim.

KOUWI Yao

Sau n'ahusə

Antavŋ sau ŋkvr n'ahusə, wa wε kərə
neŋkar taa, na wa yalaa. Sau ŋku na ku yal
wa-l ləlv, n'ahusə na lε yal wa-l pə ləlv. Sau ŋku
yal ləlv yo k'apalayo. Won'ɔn'ɔ ahusə pə ləlv na,
sau məsə ku taa, ku ci kər, ku cəl ahusə yal.
Ahusə yal ņi lau ho, n'ɪ ləl apalayo rərə sə sau
na ku yal. Wonɔn'ɔ sau wε ņəm na, ku ci yalayo
ku cəl ku yo.

Apalayo ŋka tam ka ci se: « Aci, n lau
wontə hən, v sar tən, ama, lau-tə səmp'ɔ ahusə
ņi yo. » Sau ŋku lau wontə tən ku yo sir-ku se
ku lau ahusə yo ŋka na. Yo ŋka tam dərə se:
« !lakə-tə ahusa wisi səmp'ɔna. » Sau ŋku nuv ku
yo wutɔ səmpə. Wonɔn'ɔ wa ņəlv ahusə yo rεε,
wa lakə-ka tətən na, v tɛdɔ ka t'ɔ ayuku s'ayuku.
Wa lakə-rəma səmp'ɔ wontə na, sau yo, n'ahusə
yo sə cakə-rəma cal-ɔna sə sentu. Ayuku neŋkvr
ahusə apaalayo ŋka kvr, ni ka ci təmər, ka-n ka
yal wa rε wa rε.

Wa tal kərə
neŋkar t'ɔ a lakə
komna təmər ka
rənaa, a mv-wa
təmər. U kan n'v li
se təmər ndə ņunci
tekə ahusə yo yal n'ɪ
cəl-t safır n'ɪ sir-t se:
« Nnə n waal kampa,



n su safiya nya, n'n dɛ ɪ huru taa. Nnə n lau səmpə, n'a kampa n'a nɔɔn-ya ɪ huru taa, a rɛtɔ-ɪ warasə s'v tɛɛna. » ŋku a ci s'a ku-ɪ kəna. Yal ñi lau wontə təmərñunci ñi ka sir-ɪ s'i lau na. U hom wontə na, ɪ waal rɛ təmər. Nnɔɔn a ci safiya nya n'a pə naa-ya. A kan n'a nɔɔn-ya ɪ waal huru taa n'a mav-lɛ, lɛ takə səpə, n'a rə-lɛ-ɔ araka taa n'a wɛdɔ lem taa n'v rɛn-lɛ. Lɛ lau ayukun ka cəkan ka lɛ pə tukv, lɛ pə ñe. Ase yeu n'i li na anənsarasə tɛ. l sir-wa wontə tən lapa na, ni wa yaa-ɪ, n'i su afiñɔɔ ni tal wontə na, anənsarasə ku-ɪ, n'v yeu ahusə yo.

Wontə yər ri-tə na, ɪ tɛdɔ nt'ɔna.

Kpasəkpasə:

A makə-m kəna fɛ ni mə wɔtɔ. M'ɔ anɔ kələ Wɔtəkpiɔ:

A pə nu wo t'ɔ wontə.

AGUE Kokou

Yal kanv ñəntə ka lama tɛ

A ləlv yalayo ka rɛ t'ɔ wontə na, nnə tantəraa yər wɛ apalayo ka ɪ tɛ, ɪ kan n'i tam-ka kparɔ, n'v wɔlv s'i ri maarɔ ka yalayo ŋka rɛɛ s'i kan n'i cəl ɪ yo. Yalayo ŋka rɛɛ hən na, apalayo ci kaa s'i walɔn miɬula ka wɔnɔ sə wɔnɔ ka yalayo ŋka tɛ n'v rɛ n'v tal atoon ŋka taa v mɔna s'a har ka rɛɛ na. U talv atoon ka wontə na, nnakən apalayo kaa sɛ ka tal afal na,

nnə a cəl haru ka yalayo tɛ, apalayo walu lɛn lɛn sɛ ka mɪsə apɔn yaasu rɛɛ hal ɔaan ɔɛ nɪ raan, ka ka ra ñe lem nɪ ka ra tu wur-ɔ yalayo tɛ.

Apalayo ŋka lakə təmər ndə səmp'ɔ wontə na, ŋka tɛɛsu-na kpenɔə ka yər tən taa. Yalayo



kaa sɛ ka tal wontə sɛ ka kuru yəla na, apalayo wɛ ka rɔkɔn haru səmp'ɔ yalayo tɛ. ɔɔn'ɔna apalayo paasu-ka wontə yapə: asɔrunim, lɛɛtə, nahəntɛna, katɛka na wɔwun nɪ ka cəl yalayo ri, lɛ mɛsə. Fɛ nɪ lɛ kan lɛ lav lɛ wilu ka rəhɛɛ rəhɛɛ lɛ cəl-ɪ-ku.

Yal kanu tɛntɛntə rɔɔl halɪ, mə maa waka kuɔəmɔ kəna cɛ.

Wutəkpiso: Yər pɪ kan'ɪ hɔɔr li.

Kpasəkpasə: Mə wal ayɔku na piye naal, mə yau tətən, ama mə piye naal nya kaasə mə wɔsən-ya. Wɔ kələ?

KOUMORTOUKOUM Albert

Añəmpe Tituwa ñəntə

Afape neŋkar-ɔna a yaa-ka sɛ Tituwa. Ka ci na ka ri wa sɛpa. Tituwa rɛ n'ɪ laɔ afal. Ama, ɪ ta kan yaɔ. Ñi-n akandɔyal nɛer wa tam tantɛraatɛ.

Nnə Tituwa saa tɔtɛ, ɪ haa akandɔyal ñi na ɪ yikisi. Wa-l sawa, wa-l ha-ɪ rɛrɛ. Ayɔku neŋkur Tituwa wal añəsɔ kum, ɪ ta kan dɛsam. Akandɔyal ñi wuu tɛrɔ, n'ɪ sɔ kɔɔr ndɔ ku yɛra na, n'ɪ rɛ Tituwa tɛrɔ taa n'ɪ wan-ku n'ɪ sɪ Tituwa nampɔ taa. Tituwa kpɛr añəsɔ kum ka wontɛ na, ɪ tɛŋkɛ n'ayɔku taa n'ɪ tɔ kɛkarasɛ, n'ɪ hɔ sartɛ.

ɪ tal ɪ tɛ-ɔ wontɛ na, ɪ ta ñe tɛrɔ ŋku. U tal dɛan dɛɛ-ɔ wontɛ na, akandɔyal ñi wisi sɔ Tituwa tɛrɔ ŋku sɛ ñe. Sɛ paasɛ sɛ ko s'ɔ wɪ sɛ liti taa. U walɔ s'ɔ yi wontɛ na, wisi nsɛ sɛs sɛ nasɛɔ. Akandɔyal ñi wulu, n'ɪ pɛ na s'ɪ lakɛ sɛnɔ.



Yɛra se wa kan, ɔ hom n'a yim wisi nsɛ, ama, ntɛr ta laɔ Tituwa. !A ra win añəmpe ka faala s'a ku-ka.

Wɔtɛkpiso: Akandɔ huru t' ɔna a tuku.

Kpasɛkpasɛ: Mɛ caasɛ ñun cɔ rɛ kpelele ka ku tɛn. Wɔ kɛɛ?

AGNOUNDJI Louis

Prix : 200 F CFA